



**M. Antonii Marsilii Colvmnae, Bononiensis, I. C.
Archiepiscopi Salernitani, De Ecclesiasticorum Reddituum
Origine, & Iure Tractatvs**

Colonna, Marcantonio

Venetijis, 1575

Cap. VII. Porrò immobilium rerum communionem haud perpetuò man
sisse, sed certis eas quoque poßeßoribus aßignari cœpiße, ac præcipuè
religiosorum cœnobijs, quo in numero Anacho retæ, Mono Zentes, ...

[urn:nbn:de:hbz:466:1-61495](#)

se habeant non passim assentiendum est Glossatori in c.de his, 10.q.1. ubi in uer.parochialibus autem, præterquam quod tempora mirificè confundit, existimat etiam Episcopos de Parochijs nihil ultra tertiam atque aliquando nihil ultra dimidiā percepisse; Imò enim præter decimas, & oblationes, quæ ad parochiales Ecclesias pertinebant bona omnia in Episcoporum erant potestate, ita ut, quod de tertia Episcopis soluta dictum est, ad decimarum tantum oblationumque tertiam pertineat, ut liquidò apparet ex Concilio Bracharési in c.placuit, 10. q. 1. ubi de tertia decimarum tantum habetur mentio, cum dicitur solam illam Episcopis permisā fuisse, reliquas uero decimarum partes parochis relictas, ut ex ijs possent Ecclesias instaurare, quod & confirmatum est Aurelianensi Synodo prima, quæ sub Horismida primo celebrata est anno Christi 514.cap.16.& 17.in c.omnes basilicæ, & c.nullus, 16.q.7. & c.de his ibi, antiquorum Canonum statuta, 10.q.1. Quā quam illud satis argumenti est, quod nihil hac in re immutatum reperiatur, arg.l.præcipimus, C.de appell.sanci mus, C.de Testam. † Turbauerat illud forsan Glossatorem, quod legitur in d.c.de his, uersi. antiquorum Canonum statuta, ubi cauetur medietatem Episcopos, aliam Clerum accipere. Verum hoc accipiendum est, ut ad eas res pertineat, quæ altari Episcopali offerebātur, id enim ex ipsius Concilij uerbis non obscurè perspicitur si partium attendatur enumeratio.

ARGUMENTVM.

Porrò immobilium rerum communionem haud perpetuò mansisse, sed certis eas quoque possessoribus assignari cœpisse, ac præcipue religiosorum cœnobij, quo in numero Anachoretae, Monozentes, Sarabeytæ, atque id genus alij censemur.

RERVM

- 1 Res immobiles ad solos Episcopos pertinebant.
- 2 Res Ecclesiasticae immobiles collegiis primum concessae.
- 3 Cœnobia, & monasteria cur sic dicta.
- 4 Monastici ordinis origo unde primum fluxerit.
- 5 Anachoretae, & Monozentes laici erant.
- 6 Monasticus ordo sub Totila à D. Benedicto in Occidente institutus, quem in Aegypto D. Antonius, & in Orientali Ecclesia D. Basilius instituerat, n. 7.
- 8 Diodorus, & Eutropius Monachi illustres quo tempore floruerint.
- 9 Anachoretae Monachi dicti sunt.
- 10 Anachoretae in maxima hominum existimatione fuerunt.
- 11 Decani apud monachos sic dicti, quod denis prepositi sint.
- 12 Iohannes Cassianus claruit anno Christi 436.
- 13 Oratio, quies, & manuum labor, uti propria Monachis à Pergio tribuuntur.
- 14 Monachus, qui non laborat, latroni comparandus.
- 15 Monachus quidam sexaginta annis neque natus, neque cum aliquo locutus.
- 16 Monachi olim sacerdotes non erant, sed ad aliquam Ecclesiam se conferebant, ut sacramenta perciperent, & missam audirent.
- 17 Monachi clericis ac parochis superat, ac illis longe inferiores erant.
- 18 Cœperunt in monasteriis presbyteri ordinari, non tamen poterant ad alienas Ecclesias accedere.
- 19 Monachus aliquando pastoris, & Doctoris officio functus.
- 20 Episcopus quidam à Gregorio reprehensus, quod liturgiam in monasterio celebrari prohibuisset.
- 21 Canonici primò dicti, quos nunc canonicos appellamus, à communione uita.

22 Cano-

- 22 Canonicis res immobiles concessae, ex quibus præbendas habebant.
- 23 Canonicorum duo genera, regularium, & non regularium.
- 24 Olim tota diœcesis Parochie nomine continebatur.
- 25 Roma quarta pars reddituum clero distribuebatur, ac à Rom. Pontificibus pecunia insuper aliquot clero extra ordinem erant elargitæ.
- 26 Deus dedit, nonnullijs alij Rom. Pontifices clero nummos omnes uiritim distribuendos reliquerunt.
- 27 Consuetudo pecunia uiritim distribuenda interrupta, ob alias expensas necessarias, iterumq; restaurata sub Zacharia in primo, nu. 28.
- 29 Rom. Ecclesiæ calamitas tempore Exarchatus Rauennæ.
- 30 Exarchatus Rauenne à Fl. Longino anno Christi 569. constitutus sub Ioanne Quarto: duravitq; annos CCXXI. numero 31.
- 32 Longobardorum Regnum sub Stephano Quarto defecit anno Christi 773.
- 33 Hadrianus I. Vrbis Basilicas, Titulos, & diaconias instaurauit.

C A P V T S E P T I M V M.

A C T E N V S de rerū Ecclesiasticarū proprietate ita diximus, ut ex tota hac nostra serie intelligatur t̄ res immobiles singulis clericis, at ne collegijs quidē proprias esse potuisse, sed ad solos Episcopos pertinuisse. t̄ Verū & hoc aliquando concessum est, quod quidem hac occasione factum fuisse reperio: Etenim fuere nonnulli, qui, cùm neque in abditos spelūcarum secessus uolebant se recipere, nec tamen palam in Vrbe, atque in hominum frequentia uersati, sed medium quoddam uitæ genus delegerant; ut in

Vrbe

Vib[er]e quidem, sed ab hominum conspectu semoti, intra certa claustra se continerent; & cum certis legibus, & regulis, tum etiam senioris alicuius imperio sese omnes pariter subiicerent. Porro his nullo iure denegari potuisse iudicatum est, quin certa prædia resue alias immobiles possiderent, quarum redditus communem ipsis uictu suggereret: Itaque institutum hoc probauit Iustinianus, ut in eius Nouella 133. & confirmatum est Agathensi Cœcilio 3 cap. 38. & Aurelianensi cap. 18. † Ac ea loca appellata fure re cœnobia de quibus paulo ante dictum est, à communione uitæ, uerius quam à solitudine, monasteria, quibus professionis huiuscce uiri continerentur. Sed monachi 4 appellatione nihilo secius hi retinuerunt, quod ea conueratio non multum adhuc abesset à solitudine: † Ex his quasi radicibus, prima monastici ordinis origo pullulavit qui mox latissime per uniuersas Christiani nominis regiones propagatus est. Obijciet sat scio mihi quispiam hoc in loco, Anachoretas, Monozentes, Sarabeytas, quorum originem longè antiquorem fuisse supra adnotauimus: Ab ijs enim potius monasticum ordinem fluxisse non im meritò quis dixerit, quod ut non prorsus inferior, ita nec 5 prorsus affirmare audeo. † Video. n. fuisse illos laycos, at 6 ex sacerdotibus monasticum ordinem constare. † Facilius concessero hunc ordinem, quem his temporibus, ut dixi, in Occidentali Ecclesia Benedictus instituit sub Totila Baduilla, Gothorum Rege septimo anno Christi 542. Item & Maurus eius discipulus in Trasalpinis præsertim 7 regionibus dilatauit, ann. Christi 582. † Hunc, inquam, ordinem, uel eius saltem uestigia in Aegypto ab Antonij usque temporibus extitisse anno Christi 357. Tum in Orientali Ecclesia Basilius tempestate anno Christi 369. ut trunque eiusmodi hominum conuentus instituisse, nem 8 nem præterit, † circa que tempora, insignes illos duos illu
stresq;

1 ~ 1.8. f. 1a

stre s̄q; monachos floruisse Diodorum Gregorij Nazianzeni cōtemporaneum, anno Christi 372. Et Eutropium Historicū anno Christi 377. testis est in fastis Onuphrius.

- 9 † Tametis uero inter monachorum ordines Anachoretæ non numerentur, tamen & ipsi monachi dicti sunt: Quin & ex ijs, qui Ordinibus erant addicti, nonnulli Anachoretae fuerunt appellati. Quod adnotasse hoc in loco neceſſe fuit, ne cuiquam fortasse afferat obscuritatem, quod uideat ſepenumero scriptores Ecclesiasticos promiscuè
- 10 his nominibus usos esse. † Quicquid uero fit, ipsi quoque Anachoretæ in maxima fuerunt hominum existimatio-ne: ut Augustini, aliorumque testimonio ostenditur: quorum uerba, quod lectori non fore id ingratum existimauit, libuit hoc in loco subiectere. Apud Augustinum de moribus Ecclesiæ cap. 31. leguntur hæc uerba: *Quis non illos miretur ac prædicet, qui contemptis atque desertis Mundi huius illecebris, communem vitam castissimam sanctissimamq; congregatisimul etatem agunt, viuentes in orationibus, in diſputationibus, nulla superbia tumidi, nulla peruvacia turbulentia, nulla inuidentia liudi, sed modesti, uerecundi, pacati cordissimam vitam, & intentissimam in Deum gratissimum munus illi offerunt, à quo ista posse meruerunt? Nemo quicquam possidet proprium, nemo cuiquam onerosus est; operantur manibus ea, quibus & corpus pasci posse, & à Deo mens impediri non ualeat. Opus autem simul tradunt eis, & quos Decanos uocant, eo quod sint denis præpositi, ut neminem illorum cura sui corporis tangat, neque in cibo, neque in uestimento, neque si quid aliud opus est, uel quotidiane necessitati, uel mutate, ut aſſolet, valetudini: illi autem Decani cū magna solicitudine omnia disponentes, & præstò facientes quicquid illa vita propter imbecillitatem corporis postulat; rationem tamen etiam ipsi reddent uni, quem Patrem uocat. Pulchre etiam de Anachoretis Io. Cassianus, colla. 18. lib. 5. cap. 36. qui ta-*

C men

men hoc nomine, ut & paulò antè admonui, monastico quoque ordini addictos complectitur: *Nonnulli uero inquit, carismata emulantes meliora, in Sarabeytarum contemptum, ac cōfutationem, sanctissimum quidem Anachoretarum genus instituere, eorum scilicet, qui in cœnobij primū diutissimē commorati, omni patientiæ ac discretionis regula, & humilitatis pariter, ac nuditatis uirtute possessa, atque ad purum uitiorum uniuersitate consumpta, dirissimis cum Dæmonibus prælijs congressi, eremi profunda secreta penetrare cœperunt: Quorum aliquos citra Nili fluminis alueum commoratos reperimus, desertissimasq; terras, qui ab omni hominum penitus consortio separati pane solo, qui eis, pro certa temporum interualla afferebatur, & aqua contenti colloquio Dei*

12 *cui puris inhæreabant mentibus, incolebant.* † Cassianus uero ipse ab Augustini temporibus nō longè absuit; uixit enim anno Christi 436, ut Prosper in Eusebij chronica autor est. Ut autem Cassianus, Anachoretarum nomine Monachos indicat, sic alii sunt, qui Anachoretas Monachorum appellatione cōpletebantur. Vnde Hieronymus ad Paulinum, *Si cupis esse quod diceris, Monachus, idest, solus, quid facis in Vrbibus, quæ non sunt solorum habitacula, sed multorū. c. si cupis. 16.q. 1. Vbi ēt Pelagius c. præsentium, de ipso*

13 *rum officio ita dixerit.* † *Vt hæc tria illis tribuat, nimirum*

14 *orationem, quietem, & manuum laborem.* † *Hinc latroni comparandum esse monachum, qui non laborat, traditur in Histor. Ecclesia. lib. 8. cap. 1. Huc etiam Iustiniani uerba nouel.* 133. *Duabus, inquit, potissimum in rebus operam, & diligentiam reponere oportet Monachos, ut uel sacris uacet Scripturis, aut, quas manuarias uocare solent, artes Monachos decentes, meditentur, exerceantq;: si quidem mens inertis otio detenta, haud quicquam sanè bonorum operum peperit.* Memoratu dignū est quod de his Theodoreetus scribit lib.

15 *br. 4. cap. 28. † Monachum quendā sexaginta annorum spatio*

- tio neque locutum cum ullo, neque conspectum fuisse.
- 16 † Iam uero ex his, quae diximus, satis constat, non illud necessario cōsequi, ut qui monachi dicti sunt, ijdē & cleri ci fuerint, cū imò Anachoretas, aliosq; suprà numeratos, ex laycis constitisse apud omnes exploratum sit. Verūm, quia illud sequebatur incommodi, ut quoties illos ad Ecclesię ministeria contigerat accersiri, monasticum institutum deserere cogerentur; tum & illud, ut Sacramētorum percipiendorum nulla ipsis facultas esset, nisi proprijs è cancellis exeuntes ad sacram cōdem aliquam se conferrēt, quae alijs quoque uulgo patebat; uel sacerdotem acceſſerēt, qui eis liturgiam, quam Missam uocamus, solemnem celebraret; quod a Monachis Scithiæ quoq; factum fuisse D. Hieronymus refert in c. Hinc est etiam in fi. 16. q. 1.
- 17 † Ideoque clericis ac Parochis suberant, longeq; illis inferiores habebantur. c. a subdiacono. 93. dist. c. generaliter, 16. q. 1. † Qua propter, ut hac se molestia liberarent, cę perunt aliqui in Monasteriis presbyteri ordinari, quibus tamen non ad alienas Ecclesias accedere, sed in cōetu tantum suo, Sacraenta ministrare concedebatur; Idq; sub Leone I. constitutum est anno Christi C D X L. ut ipsius indicat Epistola ad Cyprī Episcopum Theodoreum, cuius meminit Gratianus in c. peruenit 16. q. 1. Quod ipsum & alii mox renouarunt: ut enim de Iustiniano fileā, qui fecisse hoc legitur Nouel. 133. Extat hac in re Paschalis secundi, aliorumq; Pontificum approbatio c. 1. c. peruenit. 16. q. 1. † Quo circa mirari non debet qui forte reperiat, Monachum aliquando pastoris ac doctoris officio functū, ut legitur in Ecclesiastica Histo. lib. 8. c. 12. 1. par.
- 20 † Legimus etiam Gregorium, Episcopum quendam, eo nomine increpuisse, quod liturgiam (quam Missam uocant) in Monasterio celebrari prohibuisset, c. Agapetus 16. q. 1. ubi & Bonifacius idem fecisse legitur in c. sunt nonnulli:

C 2 Iam

Iam uero quoniam hanc quasi syluam sumus ingressi, ut de ijs dicere exordiremur, qui in cœtus congregati, seor
21 sum a cæteris habitabant: † Non ignorandum est, qui hoc uitæ genere utebantur, eos non omnes monachos suisse. Fuerunt enim qui monachorum instar eundem locū simul plures incolebāt, unoque omnes refectorio, & Dormitorio utebantur, qui à communi uita, quam ducebant,
22 Canonici appellati, Canonici postea dicti sunt. † Atque ij pariter (quod de Monachis supra diximus) res immobiles possidebant, vnde singulis præbendæ suggerebātur. Extat que hac de re Gregorij I. constitutio anno Christi 592.c. quia tua fraternitas, 12.q. 1. & Eugenij I. anno 654. c. ne cessaria, 12.q. 1. eiusque a Gregorio VII. facta approbatio, anno 1073.c. quoniam, de ui. & honest. cleri. quod ibi post gl. Sic accipiunt Hug. & Archidia. & cæteri interprætes frequentiori consensu. Huc spectant uerba illa Synodi Toletanæ quartæ cap. 23. Ob hoc constituendum oportuit, ut si qui in clero puberes, aut adolescentes existunt, omnes in uno conclavi atrij commorenentur, ut lubrice etatis annos in disciplinis Ecclesiasticis agant, deputato probatissimo seniore, quæ testæ uitæ, ac magistrū disciplinæ habeant. c. omnis ætas, 12.q. 1. † Horū duo genera extiterunt, vnum eorum, qui præter communia bona, ipsi etiam singuli proprium aliquid obtinebant; qui, quoniam non certæ alicui regulæ erant addicti, non Regulares canonici dici poterant, ideo que passim simpliciter, Canonici fuerunt appellati: Alterum eorum, qui communi uitæ, paupertatis insuper uotū adiunxerāt. Vnde rebus omnibus relictis, præter quas in dies ex cōi totius & cœtus substâlia ad uitæ substantiæ percipiebant, diuino cultui sese totos dicauerant. Et quia arctiori uitæ generi atq; instituto erant addicti, Canonici Regulares dicti sunt. His uero exceptis inter reliquos omnes, eadem, quam supra diximus, uiuendi norma adhuc

*Anno
Christi
654.*

- adhuc seruabatur, ut ab Episcopo, in cuius erat omnia po-
 24 testate, clericis quarta communiter distribueretur; † Quod
fiebat, ut tota planè dicecessis huius cōmunionis ratione,
unius tātū Parochię instar obtineretur, uereq; appellare-
tur. Ut in Cōcilio Toletano III. quod anno Christi 595.
sub Gregorio Magno coactū est, c. Bonæ rei, 12.q. 2. Hac
eadē loquendi formula usus est Innocentius III . in c. A-
postolicæ, de donatio. At hoc certè non conueniret, si dię
ceses in plura beneficia pluresq; parochias fuissent iam
25 distinctæ. † Atque hoc quod s̄apie iam inculcatum est,
quartam partem reddituū Ecclesiasticorum ab Episcopo
inter clerum distribui solitam, non dubito quin & Romæ
à Pont. Rom. seruatum sit. Illud tamen de Romanis Pont.
ampliùs reperitur ex ipsis aliquot cum clero liberalius e-
gisse, ac pecunias nonullas, quasi extra ordinem inter cle-
ricos diuisisse, aliosq; etiam qui inter uiuos hoc nō fecis-
sent morientes, id ipsum fieri mandasse. † Fecit hoc Ro.
Pont. Deus dedit(hoc enim nomine uocabatur,) qui sub
annum Christi 515. ipso mortis articulo nummos omnes
clero uiritim diuidendos reliquit. Fecit autem hoc vitius
Bonifacius V. anno Christi 622. Idem fecisse legitur Eu-
genius I. anno 654. Tum & Adeodatus anno 672. & Ioā-
nes V. anno 685. † Quod uerò hæc consuetudo distribuen-
darum inter clericos pecuniarum non ita passim à reli-
quis omnibus Pontificibus seruata sit, sed s̄apissimè po-
stea interrupta, id causę fuisse arbitror, quod summis ip-
sis Pontifi. maximarum quotidie expensarum necessitas
imminebat. Ab hostium obsidione s̄aepē Vrbs defenden-
da fuit, quandoque etiam muri reficiendi, aliaque pro-
uidenda, quæ temporum illorum calamitas ferebat: Ut,
cū sub Gregorio III. Romanam Vrbem Lōgobardi ho-
 28 stili impetu adorti sunt: † Verū & intermissa hæc cōsue-
tudo, ita non prorsus sublata est: siquidem legimus post

Anno
Christi
672 .
Anno
Christi
685 .

C 3 hæc

Anno
christi
741.

hæc tempora Zachariam I. anno Domini, 741. maximū donatiuum singulis presbyteris fecisse. Templaq; quām plurima restaurasse, ut in uita Zachariæ, testis est Onuphrius. Quibus ex rebus omnibus facile intelligas diuisa adhuc beneficia minimè fuisse. Idq; sanè rationi consentaneum est; quid enim in tāta rerum perturbatione singuli clerici proprium obtinere, sibiq; defendere potuissent, cum uix possent id Episcopi, qui auctoritate inter ceteros præstabant? † Nemo est quem prætereat, quæ Rom. Ecclesiæ calamitas tunc præsertim extiterit, cùm Fl. Longinus patritius Constantinopolitani Imperatoris nomine exarchatum statuit in Italia † anno Domini 569. cuius sedem Rauennæ collocauit, sub Ioanne III. Alexandrino, cùm reliquæ Italiae partes sub Longobardorum ditione essent.

31 † Itaque per annos CCXXI. quibus ea dignitas in Italia decies terque à diuersis VV. CC. ac quandoque Imperatorum cubicularijs, obtenta est, nunquam Ecclesia ius suum obtinuit, sed miserè semper uexata fuit. Nec sanè magis quieuit, cum Aistulphus Longobardorum Rex Rauenam occupauit, ac Fl. Scholasticus eius Ciuitatis magistratus obtinuit anno Christi 715. sub Cōstātino I. Pontifice summo: circa quæ tempora, ea exarchatus dignitas exoleuit, sub Leone III. anno 751. † Verū cum tandem, capto Longobardorum Rege Desiderio anno Christi 773. sub Stephano III. Longobardicum Imperium Frācorum uirtute defecisset: idem & Francorum Regno, & uniuersalis Ecclesiæ quieti securitatiq; initium fuit. † Itaque pacatis iam Ro. Ecclesiæ rebus, legimus Hadrianum I. circa ea tempora omnes fermè Vrbis Basilicas, templa, Titulos, Diaconias, Monasteria, Oratoria, cæmeteriaq; partim restituisse, partim à solo ædificasse, ut in eiusdem Adriani uita Onuphrius animaduerit.

Anno
christi
751.

Anno
christi
773:

32 33 X Ecclesiæ quieti securitatiq; initium fuit. † Itaque pacatis iam Ro. Ecclesiæ rebus, legimus Hadrianum I. circa ea tempora omnes fermè Vrbis Basilicas, templa, Titulos, Diaconias, Monasteria, Oratoria, cæmeteriaq; partim restituisse, partim à solo ædificasse, ut in eiusdem Adriani uita Onuphrius animaduerit.

ARGV-